







Res
1143

7148302
R336535

C 150 402



AD LAUDEM

EMINENTISSIMI D.

D. FRANCISCI ANTONII LORENZANA,

S. R. E. Presbyteri Cardinalis, Archiepiscopi To-

letani, Hispaniarum Primatis,

&c. &c. &c.



Nostra tuos memorant, dignissime, corda favores.
Non possum laudes jure silere tuas.
Carmina, quæ duco, sunt nostri munus honoris.
His facilem, Præsul, da pietate manum.
Inspiciat parvum pietas veneranda laborem:
Lectio sola mihi gratia semper erit.
Natali terrâ spoliat conventio Clerum:
Fitque potens Spoliis, criminis arte furens.
Divinam humanamque simul pervertere Legem
Gestit; & impietas ferrea sceptrâ tenet.
Barbarus arma rapit miles, cultumque fidelem
Insequitur; subitò cantica sacra silent.
Templa relicta manent, non fumant thuribus aræ.
Cultûs signa jacent, religioque dolet.
Instat ubique scelus, concurrat & undique terror.
Monstra jubent, mortis certa ministra rapit.

Im-

Impia Signa volant , gressuque incedit ovanti
Crimen ; cuncta ruunt , natio pura gemit.
Vincla , minæ , rabies , patriis in sedibus omnes
Pontifices vexant , continuusque furor:
Barbara Presbyteros removent decreta fideles:
In fines alios dira procella trahit.
Exilio linguunt patriam , linguuntque parentes:
Expulsi gladio proxima regna petunt.
Montes cingebant , de nocte , dieque tyranni:
Has tutò poterat nemo tenere vias.
Si montes superent , per tanta pericula vitæ:
Tutos perduxit gratia fida Dei.
In terram tandèm delati intramus amicam:
Religio placidos detegit ipsa sinus.
Nuntiat exulibus varias Hispania sedes:
Errantes possunt sic statione frui.
Regni sceptrum tenens commendat Lege favoris
Gallos Pontifices in ditione suâ.
CAROLUS hic quartus Princeps tam dignus amore,
In Regnum extorres tutiùs esse jubet.
Charum sempèr erit Gallis memorabile nomen:
Augustum nomen sæcla futura canent.
CAROLUS hic , gladius fidei , custosque fidelis,
Pace fruens dulci , regnet in orbe suo.
CAROLEUM imperium vivat per sæcula mundi:
Gallia fida Deo talia vota facit.
Lege favente potens Hispano , Præsul , in orbe
Perficis & tantum sic bonitatis opus.

A

A patriâ errantem recipis, dignissime, clerum:
Vitæ firmat eum pane benigna manus.
Mandas auxilium, clemens, tribuisque favores:
Sic tua suscipiunt viscera digna patris.
Hospitium fessis primò concedis in urbe:
Fonte tuo reficis languida corda siti.
Hîc Christi nudos præsertim vestibus ornas.
Providus es cunctis cordis amore parens.
A patriâ expulsos securas mittis in ædes:
Donis grata tuis Gallia semper erit.
Mille simul voces clamabunt munera Laudis:
Hîc meritum celebrant facta benigna tuum.
Tempora donec erunt, totidem numerabis amicos:
Christi pauperibus semper amicus eris.
Sic benedictus eris, sed laudibus omne per œvum,
Semper & ore viri, semper & ore Dei.
In templo magnus Prælatus, magnus in orbe:
Vincens corda trahis cuncta favore tuo.
Ostendis legem Divinæ legis amator:
Immemores monitor non sinis esse Dei.
Primus amas cultum, Cleri sic fidus amicus:
Cultum Divinum semper amare doces.
Pronus amas Regem meritò, Populumque fidelem:
Hispanæ Ecclesiæ gloria semper eris.
Nam pietate tuâ virtutem reddis amandam:
Qui tecum loquitur, Lætior ipse redit.
Sic bonus, & prudens, vigilans, tribuensque favores,
Candor in ore tuo, gaudia tanta parit.

His-

Hispani Cleri, sic vivat gloria, præsul:
Vivens sempèr erit nomen in ore meo.
Oh! felix venerans solarem Hispania lucem:
Virtutis radios suscipe corde tuo.
Produxi timido laudantia carmina cantu:
Præsulis in laudes, area magna patet.
Hic non induco vitam sub carmine laudis.
Vita satis laudat, plena labore Dei.
Tanta simul vivent, per sæcla novissima mundi,
Atque Libro vitæ, talia scripta manent.
Virtus sola tuum cumulabit laudis honorem:
Virtutem decorant inclyta facta tuam.
Hæc mea vota tibi placeant, DIGNISSIME PRÆSUL:
Sic decoret meritum justa corona tuum.
Oh! tua digna manus nobis benedicere possit,
Nos redens patriæ; certus adibo meam:
Carmina nostra ferant æternum pignus amoris:
Nostra tibi valeant vota, favente Deo.

* * *

SACERDOS GALLICANUS.



Tolet. Cum Lic. An. 1794.







